

事物異名錄

序

事物異名錄四十卷慈谿厲明府
靜菴先生原輯

晉軒學使關前輩增纂而釐訂之
者也四明古歡堂本乾隆四十一年
丙申曾刻於江南望江縣署按

厲自叙稱

學使遊其門性嗜書所藏多善本
相與比勘蒐輯又爲增所未備分
類別部想見晨夕雞窗極觀摩之
盛事洎歲丁未督學莅粵

尊甫東臯先生遂攜其書來粵士

爭先快覩請開雕以廣其傳時
學使按臨潮州毅會以臺灣滋事
送兵駐潮得展卷卒業隨事隨物
沿流討源標名某某新異可喜且
是編採擇宏富區別精審真兩賢
相得益彰也謹弁數語答粵人之

請竝以得讀異書爲嶺表諸生慶
焉

乾隆戊申春正月兩廣總督兵部
尚書館後進孫士毅拜題

荃自髫齡時從學族兄映川兄爲姚江毛氏作節壽序
中有請於兄公之句不識兄公何謂質之兄兄曰婦人
謂夫之兄曰兄公出爾雅退而購其書讀之見事物各
有異名心竊喜之欲類編成帙以備省覽苦於家貧無
書不能遍覽而博採焉迨後館於杭城關氏關子東臯
性嗜書日與書賈相往來經史而外得所未見書甚夥
晨夕披覽隨手摘錄積有十年而彙本盈篋中矣甲戌
北上畱都六年除舊存彙本外又得續錄數本然皆隨
見隨錄都無倫次己卯南歸關子東臯復命子槐晉軒
從予遊晉軒幼慧讀書一目數行下博聞強記性亦嗜
書所藏尤多善本因出舊存及續錄彙本相與比勘蒐

書林異名錄
卷八
一
鶴荃既刪其重出晉軒又爲增所未備分類別部凡三
易橐而書粗成癸巳出宰大雷兒子觀生仝姪之錫攜
其書來署請捐廉以付梓人竊念餽飭之學無關實際
況書囊無底挂漏尚多何敢藉此自衛類宋人之寶燕
玉耶然又思士人讀書遇著作家舉一異名而茫然不
知爲何物媵鄙之譏大雅所弗尚且與良友雞窗風雨
積二十餘年讐訂之功則亦不忍沒也姑從其請而爲
之敘其巔末如此乾隆四十一年九月旣望慈谿厲荃
靜菴甫序

事物異名錄凡例

一是書編次之法以天地人物爲序故首以乾象歲時次以坤輿郡邑又次以形貌倫屬而三才立矣有人卽有貴賤高下故爵位品術次之治人莫要於禮樂故禮制音樂次之由是而有政治有人事皆因人而見者也且人必有養身之資故次以宮室飲食服飾又必有利用之具故次以舟車耕織漁獵器用其稽古讀書之人則有文事有武備故書籍文具武器又次之若物之尤切於人者爲衣食故次以蔬穀布帛推之珍於人者爲珍寶適於人者爲玩戲而人一生之事備矣故以年齒殿其

後此外則附以釋道神鬼然後及於物類至物之有贊於天地之功而足以衛人之生者莫過於藥材故以藥材繼焉種植則有草木花果飛走則有禽獸鱗介則有水族蠕蠢則有昆蟲凡三十九部共四十卷

一每部事物繁多者則分部上部下爲兩卷簡少者則并兩部爲一卷酌繁簡以定卷帙使篇頁無太多太少之嫌

一每部先以正名爲目次標異名下引書以實之其常例也惟郡邑部之州邑甚多不勝分列故卽隸於各府直隸州之後而以今名爲主又擇一異名

註於其下非若輿圖地志沿革悉載必取乎詳盡也

一每部各有統屬其有不能另列一部而又無可統屬者則於近似之部附之如匠具雜具之附於漁獵部卽於其部下註明附某

一每部所列事物先敘大槩異名次則分析其類如日後附以夏日冬日月後附以月光缺月之類祇一條者則直註某某有數條者則標以下某某槩之一凡附見事物各從其類故目下不另標出其有可以類從而又不得混其類者則於目下先註附某又有類本從同而實非一類且無他類可歸者祇

於本條下註一附字

一事物有種類甚多者則但揭一總目其後各條分註如宮室部之官解百草部之水草香草奇草惡草及藥材部但分草木果穀之類不復每條分目以省簡帙

一有本非是事是物異名因經書所載經前人借用者如友于非兄弟而卽謂兄弟涓陽非舅氏而卽謂舅氏諸如此類並採入

一有本非是事是物異名因前人比喻所及後遂以爲典者如乾象部之朱丸謂日金盆謂月倫屬部之靈椿謂父仙桂謂子之類既有成說並宜採入

一異名祇取是事是物之總者錄之至其種類不一名稱各殊如牡丹菊花之類各有專書不復縷述惟於種類中又有異名者間登一一

一異名並見經書者必爲詳列如爾雅之歲陽歲陰是已若其他雖有成說未經前人引用者不妨從畧如占書一雞二犬之類惟雞日見呂本中元日詩採入餘不並列

一異名有習熟共知者不復濫登如天名穹蒼蒼昊之類又有名極鄙俚而稱有由來不嫌並列以誌所自

一有物本一類而或別其部者如草木蔬穀之類不

盡列於本部而另列藥材一部以其物取資於醫藥者多故也

一有本一物而目重見如梅桃梨桂之類或載於木或載於花或載於果以取主不同故也其有名不多見者不復另列卽附載於一處如樹木部之松花名松黃卽載於松果部之橘樹名讓木卽載於橘之類皆是

一有一名而事物相同者旣載於此復載於彼以備考覽惟於最後一條之下註明某亦名某其或前已連類論及後不復註如霜名青女又霜神名脾名黃庭又脾神名之類是也

一有兩名同出一書而彼此分載者既詳於前自可從畧於後第於其下註明詳見前某以識之如卷帙甚近者則註見上二字俾閱者易於檢查

一有一名而兩書互異者則先引一書必兼及他書作某以別之其有字音不同者亦照此疏明

一所引諸書首以經史子集次以道釋經典而以詞賦詩歌居其後然有不能拘其次者蓋以名有根由則因此以及彼庶使條貫分明如是者則以所得之名爲次不復論書之先後

一所引諸書不著姓名從簡也其有必著姓名者如焦氏易林呂氏春秋及謝靈運晉書陳祥道禮書

之類至於詞賦詩歌姓名悉載毋使混淆

一所引諸書有連及數名者其中或因熟習易知或因參錯互見且有名不甚雅者間刪一二然不標其名而仍存其說以備參考

一所引諸書有本名與異名並著者毋庸重述其但有異名而無本名者則用按某謂某以明之

一所採諸名或有不甚明晰者及衆說紛紜終歸無定者則稍叅以愚見用按以辨論之非敢臆斷仍俟質正

事物異名錄總目

卷一

乾象部

卷二

歲時部

卷三

坤輿部

卷四

郡邑部上

卷五

郡邑部下

卷六

形貌部

卷七

倫屬部

卷八

爵位部

卷九

品術部

卷十

禮制部

卷十一

音樂部

卷十二

政治部

卷十三

人事部

卷十四

宮室部

卷十五

飲食部

卷十六

服飾部

卷十七

舟車部

卷十八

耕織部

漁獵部

卷十九

器用部

卷二十

書籍部

卷二十一

文具部

卷二十二

武器部

卷二十三

蔬穀部上

卷二十四

蔬穀部下

卷二十五

布帛部

珍寶部

卷二十六

玩戲部

事物異名錄

總目

三

年齒部

卷二十七

佛釋部

仙道部

卷二十八

神鬼部

卷二十九

藥材部上

卷三十

藥材部下

卷三十一

百草部

卷三十二

樹木部

卷三十三

花卉部

卷三十四

果蓏部

卷三十五

禽鳥部上

卷三十六

禽鳥部下

卷三十七

獸畜部

卷三十八

水族部

卷三十九

昆蟲部上

卷四十

昆蟲部下

事物異名錄卷一

悉谿 厲靜齋先生萃 原輯

仁和 關晉軒先生槐 增纂

乾象部

天

圓象 禮記孔穎達序上法圓象下參方載

泰元 漢書禮樂志惟泰天尊師古註泰元天也

太皓 後漢書太皓悅和註太皓天也

上靈 晉書樂志我其夙夜祇事上靈

穹靈 北史魏明帝紀穹靈降祐麟趾衆繁

上立 隋書高帝紀受命上玄廓清區宇

碧落 宋史樂志炎精之神飛輶碧落山堂肆考碧落天也

真宰 莊子若有真宰而特不得朕

太空 關尹子一運之象周乎太空

祆 說文關中謂天爲祆

青丙 周髀算經上天名青丙

祁連 提婆 椒園記匈奴呼天爲祁連西域曰提婆

蔚藍 老學菴筆記蔚藍乃隱語天名非可以義理解也

碧翁翁 清異錄晉出帝不善詩時爲俳諧語詠天詩曰高平上監碧翁翁

大鈞 正字通大鈞天也賈誼傳大鈞播物

大高 上高 正字通天曰大高淮南子汜論譽大高

者而龜爲上牲又陳書世祖詔昭事上高

靈曜 蔡邕陳太邱碑苞靈曜之純註靈曜天也

圓精 顏延年元后哀策圓精初爍註圓精天也

青冥 楚辭據青冥而攄虹註青冥天也

大圓 束皙補亡詩恢恢大圓呂尚註大圓天也

圓靈 謝莊月賦圓靈水鏡李善註圓靈天也

園宰 唐祀園邱樂章有赫園宰深仁曲成按園宰謂

天也

紫冥 李白詩駕鴻凌紫冥

日

陽精 春秋日有食之疏日者陽精

大明 禮記大明生於東註大明日也又木華海賦大明撫轡於金樞之穴註大明月也

東君 漢書郊祀志晉巫祀東君師古註東君日也

九陽 後漢書仲長統傳沆瀣當餐九陽代燭註九陽日也

鬱儀 大洞經日一名鬱儀又雞跖集鬱儀又名鬱華
奔日之仙

陽鳥 朱光 朱明 廣雅日一名陽鳥一名朱光一
名朱明又陽鳥或曰陽鴉或曰陽羽

織烏 侯鯖錄東坡嘗言鬼詩織烏西飛客還家織烏
日也往來如梭之織

金鑪 清異錄開元時高太素製銘曰日日金鑪

翔陽 山堂肆考日日翔陽言日中有烏故曰翔

太陽 正字通日爲太陽詩匪陽不晞毛傳日也

轡景 謝華啟秀註轡景日也道藏歌轡景落滄溟本
淮南子懸車息馬之說

濯耀羅 圓光蔚 眇景皇 九曜生 太明 圓明

微元 紫曜明 圓珠 始暉 雲笈七籤九天真

人呼日爲濯耀羅三天真人呼爲圓光蔚太素天中
呼爲眇景皇上清真人呼爲九曜生泰清天中仙人

呼爲太明太極天中呼爲圓明玉賢天中呼爲微元
東華真人呼爲紫曜明亦名圓珠亦謂始暉

圓羅耀 山堂肆考真誥方諸山真人呼日爲圓羅耀
天陽 法苑珠林日爲天陽

曜靈 潘岳歸田賦曜靈俄景註曜靈日也

扶光 謝莊月賦擅扶光於東沼註扶光扶桑之光謂
日也

利眼 陸士衡演連珠利眼臨雲不能垂照呂尚註利
眼日也天以日爲利眼

離光 顏延之範連珠魯陽傾首離光爲之反舍

朱羲 郭璞遊仙詩朱羲將由白

義陽 義車 陸雲詩義陽趣駕又虞世南詩長漢轉

義車

金烏 金鴉 康孟詩金烏升曉氣又韓愈詩金鴉既

騰翥

黃金輪 劉禹錫詩赤波千萬里湧出黃金輪

丹砂丸 白居易詩西北日落時夕暉紅團團千里翠

屏外走下丹砂丸

蘋玉盤 李賀詩誰揭蘋玉盤東方發紅照又蔣防口

初出賦名赤玉盤

朱丸 華應昌和長吉樂詞朱丸何速金盆遲按朱丸

謂日金盆謂月也

暖紅 皮日休詩婆娑愛暖紅按暖紅謂日也

紅鏡 李賀詩炎炎紅鏡東方開

烏焰 羅鄴詩烏焰纔沈桂魄生

銅鉦 金鉦 蘇軾詩樹頭初日掛銅鉦又范成大詩

昱昱金鉦上

烏輪 袁桷詩烏輪海觀升

火繖 火輪 古今類傳燄日燒雲火正由來張火繖

又韓愈詩火輪初出客心驚

夏日

黃綿襖 鶴林玉露何斯舉云雨雪連旬忽爾開霽翁

媼相呼賀曰黃綿襖子出矣

冬日

睨日 表異錄莊子曰方中方睨衍義云日斜如人睨

目楊用脩詩渴虹下飲玉池水睨日橫分蒼嶺霞

斜日

傾義 謝惠連詩傾義無兩旦

落日

白駒 名義考日景謂之白駒

日景

炊累 莊子從容無爲而萬物炊累按炊累卽日中微塵也

以下日中塵

陽燄 野馬 庶物異名疏龍樹大士曰日光着微塵

風吹之野中轉名之謂陽燄愚夫見之謂之野馬

月

夜光 皇甫謐年歷月羣陰之宗光內日影以霄曜名

曰夜光

結璘 大洞經月一名結璘又雞跖集結璘奔月之仙

廣寒

龍城錄開元六年上皇與中天師同遊月中見

一大宮府榜曰廣寒清虛之府

銀燭

山堂肆考月號爲銀燭

千里燭

清異錄道士王致一曰我平生不肯使一文

油錢在家則爲扇子燈出路則爲千里燭意其爲月

也

幽陽

丹鉛錄陳子昂詩云幽陽始化昇月本陰也而

謂之幽陽三五陽也而平明已缺

丹輪

卓氏藻林丹輪月也六朝詩丹輪殊未圓

樞光

謝華啟秀註樞光月也見海賦大明撫轡於金

樞之穴

素舒 淵鑑類函素舒月名也

水鏡 謝莊月賦圓靈水鏡

若英 謝莊月賦嗣若英於西冥註若英若木之英謂月也

望舒 張協詩望舒三五圓又淮南子月御曰望舒亦曰纖阿

娥輪 許敬宗七夕宴元圃詩娥輪泛淺滿

鏡輪 駱賓王詩月滿鏡輪圓

金環 杜甫詩落月墮金環

白玉盤 李白詩小時不識月呼作白玉盤

冰鑑 玉輪 兔輪 元稹月詩絳河水鑑朗黃道玉

輪巍又西瞻若木兔輪低

清涼宮 柳宗元詩路遠清涼宮註指月也

爛銀盤 盧仝月階詩刷銀盤從海底出

水晶毬 姚合對月詩一片黑雲何處起皂羅籠却水

晶毬

桂輪 桂魄 羅隱詩嫦娥老大應惆悵泣倚蒼蒼桂

一輪又羅鄴詩烏焰纔沉桂魄生

珠輪 劉兼詩月沉江底珠輪淨

寶鏡 曹希孟新月詩誰家寶鏡新磨出

蟾盤 曹松詩共看蟾盤上海涯

瑤輪 章碣對月詩瑤輪正輾丹霄上銀箭休催皓露

疑

素丸 王中立中秋詩素丸東溟來飛上玻璃盆

金盆 華應昌和長吉樂詞朱丸何迷金盆遲

金餅 蘇舜欽對月詩雲間灩灩開金餅

金丸 蘇軾見月寄子由詩浮雲卷盡流金丸

銀丸 陸師道待月詩畫鵲翩翩凌廣寒俯看碧浪躍

銀丸

冰輪 陸游月夜詩炯炯冰輪升

金鏡 晁元咎詠月詞碧海飛金鏡

金盤 范成大詩金盤湧海

銀蟾 玉蟾 素蟾 圓蟾 靈蟾 清蟾 明蟾

張翥仙娥玩月圖詩洗空碧海銀蟾冷方寸中秋月
詩涼宵烟靄外三五玉蟾秋韓琦秋夕詩雲疎點素
蟾又秋分詩坐看圓蟾逼麗譙梅堯臣詩靈蟾已墮
西范成大七月十四日詩先借清蟾一夜寒劉基十
六夜月詩深秋白露洗明蟾

晶餅 陳維崧詞半規晶餅慢瀉流光漸暎素蕚綠茗
金輪 趙鼎詞誰喚金輪湧海不帶一雲浮

晶盤 龔鼎孳中秋得南鴻詞小字鴛鴦顛例認憑仗
晶盤疑碧

金波 漢書郊祀志月穆穆兮金波師古訂月光穆穆
若金之波流也 月光

玉鈎 鮑照詩始出西南樓纖纖如玉鈎又劉媛詩仙
宮雲箔捲露出玉簾鈎 以下缺月

玉弓 明弓 李賀詩曉月當簾掛玉弓又蟾蜍碾玉
掛明弓

卻月 山堂肆考半月曰卻月

端正月 事文類聚前輩名中秋月爲端正月昌黎月

詩三五端正月今夜出東溟 中秋月

歸月 山堂肆考落月曰歸月 落月

逡巡 丹鉛錄月暈謂之逡巡 月暈

星

玉李 金樓子星懸玉李

事物異名錄

屑金 清異錄韓彥卿謂星屑金

付泥 日本寄語星曰付泥

白榆 古樂府天上何所有歷歷種白榆按白榆謂星也

銀礫 白居易詩稀星點銀礫

泰階 漢書東方朔傳願陳泰階六符以觀天變註泰階三台也天之三階也 三台

北辰 爾雅北極謂之北辰疏極中也辰時也居天之中人望之在北因名北極斗杓所建以正四時故云

北辰 以下北極

天柱殼 隋書天文志北極為天柱殼

曜魄 尚書大傳北辰謂之曜魄

老人星 弧南 晉書天文志老人星曰南極一名弧

南 以下南極

壽昌 淵鑑類函壽昌老人星也一作壽星

帝車 天車 漢書天文志斗爲帝車又晉書作天車

運於中央臨制四海故名 以下北斗

天罡 參同契天罡卽北斗也又丹鉛錄作天綱

處士星 晉書謝敷傳少微一名處士星 少微

歲星 重星 應星 廣雅歲星木宿謂之重星或謂

應星又天官占木星一曰攝提一曰重華一曰經星

一曰紀星 以下木星

善星 表異錄杜牧孫子註云歲爲善星不福無道

環樞 闕兵 荊州星占攝提一名環樞一名闕兵

附攝

提

熒惑 罰星 一執法 廣雅熒惑火宿謂之罰星或謂

執法 火星

鎮星 地侯 廣雅鎮星土宿謂之地侯

以下土星

信星 漢書鎮星爲信星

太白 長庚 太皞 廣雅太白金宿謂之長庚或謂

太皞 以下金星

明星 啟明 爾雅明星謂之啟明註太白星也晨見

東方爲啟明昏見西方爲太白

大爽 史記天官書註太白一名大爽

長麗 漢書禮樂志長麗前挾光耀明孟康註長麗長

庚星也

辰星 鉤星 爨星 伺星 廣雅辰星水宿謂之鉤

星又張衡云辰星一曰爨星一曰伺星

水星

天撩輻 隋書天文志二十八宿爲天撩輻二十八宿

天關 晉書天文志東方角宿二星爲天關又荊州星

占北辰一名天關石氏星經牽牛一名天關

以下角星

棟星 博雅大角謂之棟星

疏廟 史記天官書亢爲疏廟

以下亢星

天府 天庭 星經亢四星名天府一名天庭

壽星

爾雅壽星角亢也註數起角亢列宿之長故曰

壽又老人星亦曰壽星

角亢總名

天根

爾雅天根氏也註角亢下繫於氏若木之有根

以下
氏星

天符

星經氏一名天符

天駟

天廡 爾雅天駟房也註龍爲天馬故房四星

謂之天駟又晉書天文志房亦曰天廡

以下房星

農祥

國語農祥晨正註農祥房星也

龍角

春秋運斗樞房爲龍角

大火

大辰 爾雅大火謂之大辰註大火心也在中

最明故時候主焉疏辰時也

以下心星

明堂 春秋佐助期心爲明堂又晉書天文志房四星爲明堂

龍虢 國語日月會於龍虢賈逵註龍虢尾也

尾星

龍尾 爾雅箕斗之間漢津也註箕龍尾

以下箕星

敖客 史記天官書箕爲敖客

天津 晉書天文志箕四星亦曰天津

金雞 天雞 易是類謀箕星名金雞又星經箕爲天雞

天口 詩汎歷樞箕爲天口

風伯 風師 淮南子高誘註風伯箕也又風俗通風師箕星也

卷舌 荊州星占箕星一名卷舌

天機 星經斗六星狀如北斗亦曰天機

斗星

河鼓 擔鼓 爾雅河鼓謂之牽牛註今荆楚人呼牽

牛星爲擔鼓擔者荷也又荊州星占河鼓一名三武
一名天鼓在牽牛北故或謂河鼓爲牽牛

以下牛星

黃姑 墨莊漫錄黃姑乃河鼓牽牛之別名

天孫 須女 星經織女天孫也亦曰須女

以下女星

婺女 博雅須女謂之婺女

星紀 爾雅星紀斗牽牛也註牽牛斗者日月五星之

所終始故謂之星紀

斗牛總名

靈匹 謝惠連詠牛女詩雲漢有靈匹又焦氏類林謂

之雙星 牛女總名

元枵 北陸 爾雅元枵虛也北陸虛也疏以其色黑而虛耗故名曰元枵又謂之北陸陸中也北方之宿虛爲中也 虛星

蓋屋 史記天官書危爲蓋屋 危星

定 營室 詩定之方中鄭箋定星昏中而正於是可
以營制宮室故謂之營室 以下室星

元宮 星經室曰營室石氏謂之元宮一曰清廟
豕韋 博雅營室謂之豕韋

結蜎 丹鉛錄營室星一名結蜎之宿

文府 陳祥道禮書天文東壁爲文府 壁星

三才圖會卷一
二
姬觜口 爾雅姬觜之口營室東壁也註營室東壁星

四方似口因名云 室壁總名

封豕 史記天官書奎爲封豕又漢書作封豨以下

武庫 陳祥道禮書西奎爲武庫

聚衆 史記天官書婁爲聚衆 婁星

降婁 爾雅降婁奎婁也疏降下也奎爲溝瀆故稱降

奎婁
總名

天倉 史記天官書胃爲天倉 胃星

大梁 西陸 旄頭 爾雅大梁昴也西陸昴也註昴

西方之宿別名旄頭 以下昴星

留 史記律書北至於留留者言陽氣之稽留也註留

卽昴也

嶽事 後漢天文志昴爲嶽事

天耳 晉書天文志昴七星天耳也

濁 爾雅濁謂之畢註掩兔之畢或呼爲濁因星形以一名以下畢星

罕車 史記天官書畢曰罕車

天罔 後漢蘇竟傳畢爲天罔

雨師 雲師 淮南子高誘註雨師畢也又西京賦註雲師畢星也

罔車 張衡思立賦建罔車之幕幕今註罔車畢星也

罰 史記律書註罰謂觜也又熒惑亦曰罰星

以下觜星

虎首

史記天官書觜觿爲虎首

伐

詩維參與昴註參伐也

以下參星

三星

詩三星在天傳三星參也又三星在戶註三星

心也按心星亦三故名

實沈

博雅參謂之實沈

狼

史記律書註狼謂井也

以下井星

玉羊

易是類謀狼星名玉羊

鶉首

博雅東井謂之鶉首

水衡

天皇會通井爲水衡

弧

史記律書註弧謂鬼也

以下鬼星

天目

晉書天文志輿鬼五星天目也主視明察女姦謀

天廟 博雅與鬼謂之天廟

咎 鶉火 爾雅咎謂之柳柳鶉火也疏南方七宿共

爲朱鳥之形柳爲朱鳥之口故名咎鶉卽朱鳥火屬
南方行因名爲鶉火 以下柳星

鳥注 史記天官書柳爲鳥注

鳥衡 史記天官書占於鳥衡註鳥衡柳星也

天廚 荊州星占柳爲天廚

員官 鳥頸 史記天官書七星頸爲員官註頸朱鳥

頸也員官嚙喉也 以下星星

天都 史記正義七星爲頸一名天都

鳥嗉 史記天官書張素爲廚主觴客註素嗉也鳥張

嗉受食之處也 以下張星

鵠尾 博雅張謂之鵠尾

羽翮 史記天官書翼爲羽翮 以下翼星

天倡 春秋合誠圖翼爲天倡

鳥駕 博雅軫謂之鳥駕 以下軫星

天車 荊州星占軫爲天車又北斗亦名天車

顯星 漢書天文志景星顯星也 以下景星

德星 晉書天文志瑞星一曰景星或曰德星

約約 爾雅奔星爲約約按奔星卽流星也 以下流星

營頭 後漢蘇竟傳流星狀似蚩尤旗或曰營頭或曰

天槍按晉書天文志天槍三星在北斗杓東一曰天

鉞是有定在非流星也別附於後

天使 晉書流星天使也

地雁 天雁 尚書考靈曜流星名地雁墜處兵起又

曰天雁

王弩 尚書帝命驗王弩驚天下註秦野有枉矢星形似弩其星西流天下見之而驚呼

欃槍 字 爾雅彗星爲欃槍註亦謂之孛言其形孛字似掃帚 以下彗星

天杵 漢書天文志彗星爲天杵

掃星 晉書天文志彗星所謂掃星也

獸鳴星 洞冥記武帝見彗星其夜野獸皆鳴別說謂

之獸鳴星

蚩尤旗 韻府羣玉彗星亦名蚩尤旗

天棧 天槍 天棹 爾雅疏石氏天機天槍天棹與

彗異狀其災一也 附

天鉞 晉書天文志天槍一曰天鉞

天槍

覺星 晉書天文志天棹一名覺星王喬爭

天棹

天河

漢津 天漢 爾雅析木謂之津箕斗之間漢津也疏

箕斗之間是天漢之津劉炫謂天漢卽天河也

天津 天江 晉書天文志天津一曰天漢一曰天江

又箕星亦名天津

天杭 太元經漢水羣飛蔽於天杭按天杭卽天漢也
銀漢 雲漢 星漢 河漢 清漢 初學記天河謂
之天漢亦曰銀漢雲漢星漢河漢清漢

銀河 銀灣 銀浦 雞跖集許洞謂銀河爲銀灣李
賀謂爲銀浦

絳河 明河 銀潢 斜漢 金漢 星河 傾河
繩河 山堂肆考天河一名絳河曰明河曰銀河曰銀
潢曰斜漢曰金漢曰星河曰傾河言天漢將曉而斜
也曰繩河言如繩之直也

秋明大老 清異錄韓彥卿謂天河秋明大老

雲川 王微七襄怨詩玉飾渡雲川

華漢 宋書樂歌華漢浮天

漢渚 顏測七夕詩漢渚起遙光

星渚 蘇味道詩紆餘帶星渚

黃姑渚 杜甫詩星落黃姑渚註黃姑卽河鼓也

銀渚 范成大詩趣駕星橋跨銀渚

風

天籟 莊子子綦曰女聞地籟而未聞天籟夫子游曰
敢問天籟子綦曰夫吹萬不同而使其自己也註風
吹萬物有聲曰籟

天帝 張養浩詩風揮天帝埽雲空

凱風 谷風 涼風 泰風 爾雅南風謂之凱風東

風謂之谷風北風謂之涼風西風謂之泰風

四方風

炎風 滔風 熏風 巨風 淒風 颺風 厲風

寒風 呂氏春秋何謂八風東北曰炎風東方曰滔風

東南曰熏風南方曰巨風西南曰淒風西方曰颺風

西北曰厲風北方曰寒風

八方風

穀風 詩習習谷風疏谷之言穀穀生也生長之風也

王莽傳其夕穀風迅疾師古曰卽谷風

以下春時風

嬰兒風 兵書風從震來名嬰兒風

光風 初學記春晴日出而風曰光風

吹花劈柳風 風土記河朔春時疾風數日一作三月

乃止曰吹花劈柳風

羊角風 歲華紀麗春風曰羊角風又莊子註羊角旋風也

惠風 王羲之蘭亭序惠風和暢

輭風 溫庭筠詩輭風吹春星斗稀

鳥信風 麥信風 國史補江淮船汭流而止待東北

風謂之信風三月有鳥信風五月有麥信風

以下夏時風

落梅風 風俗通五月有落梅風江淮以爲信風

哭雨風 月令廣類黃梅時西南風急名曰哭雨風主

雨立至易過

舶趠風 東坡集吳中梅雨旣過颯然清風彌旬潮人謂之舶趠風

黃雀風

風土記南中六月則有東南長風俗號爲黃

雀風

破帆風

田家五行夏秋之交大風及有海沙雲起謂

之風潮古人名之曰颶風航海之人又名之爲破帆風以下秋時風

鷹風

卓氏藻林鷹風秋風也古詩鷹風凋晚葉

閭風

張衡東京賦侯閭風而西遐註閭風秋風也又

鮑照詩作昌風

盲風

蓼風

蔡邕月令章句仲秋白露節盲風至秦

人謂蓼風爲盲風

裂葉風

洞冥記裂葉風八月風也

鯉魚風

提要錄鯉魚風九月風也

吼天氏

清異錄呂園貧秋深大風隣人朱錄事疊小

紙擲園前云吼天氏作孽示威於園

緒風

楚辭欵秋冬之緒風註緒餘也以下冬時風

尖風

李商隱詩不覺逆尖風

翦翦風

韓偓詩側側輕寒翦翦風

醒骨真人

清異錄高太素製銘清風云醒骨真人風

少女風

管輅列傳輅言樹上已有少女微風

微風

闌風

山堂肆考風不已曰闌風

久風

焚輪

扶搖爾雅焚輪謂之頽扶搖謂之焱疏暴風

從上來降謂之頽頽下也暴風從下上升謂之焱焱

上也 以下狂風

扶風 淮南子疾風曰扶風

獐飊 表異錄獐飊惡風也

毗嵐風 隨藍風 翻譯名義毗嵐風亦名隨藍風此

云迅猛風

跋扈將軍 清異錄隋煬帝泛舟忽陰風頗緊嘆曰此風可謂跋扈將軍

石尤風 江湖紀聞石氏女嫁爲尤郎婦尤遠出不歸
妻憶之病臨亡嘆曰吾恨不能阻其行以至於此自
後商旅遠行值打頭逆風則曰此石尤風也 逆風

雲

山帶 張野廬山記廬山天將雨則有白雲或冠峯巖
或亘中嶺謂之山帶

天公絮 清異錄雲者山川之氣今秦隴村民稱爲天
公絮

風花 楊慎外集雲如斑駁形舟人謂之風花見濟北
集

妒羅綿 內典妒羅綿世界謂雲也言其色白而薄似
羅與綿也作兜羅非

梢雲 孫氏瑞應圖梢雲瑞雲也人君德至則出若樹
木梢梢然也 以下瑞雲

景雲 慶雲 卿雲 孫氏瑞應圖景雲太平之應也

一曰慶雲非氣非烟五色網緼按慶雲卽卿雲也天官書非烟非雲郁郁紛紛是謂卿雲

雨

龍潤 清異錄李煜作祈雨文曰尙乖龍潤之祥

清露 丹鉛錄貴竹名雨曰清露

奇水 清異錄雨無雲而降非龍而作號爲奇水

滂沱 詩月離于畢俾滂沱矣註滂沱大雨也大雨

霖霖 爾雅小雨謂之霖霖以下小雨

淫淫 說文淫淫小雨也

廉纖 沈遼詩細雨廉纖隔碣山

凍雨 爾雅暴雨謂之凍雨註江東呼夏月暴雨爲凍

雨 以下暴雨

陵雨 揚子法言震風陵雨然後知夏屋之帡幪註陵雨暴雨也

淫雨 霖雨 爾雅久雨謂之淫淫謂之霖註雨自三日已上謂霖 以下久雨

留客雨 焦氏易林陸機以三日雨爲留客雨

靈雨 詩靈雨旣零傳靈善零落也 以下時雨

膏雨

左傳如百穀之仰膏雨焉

甘雨 晉書束皙傳衆爲作歌曰束先生通神明請天三日甘雨零

歡喜雨 分別功德論雨和調者是歡喜雨

好雨 杜甫詩好雨知時節當春乃發生

瞋怒雨 分別功德論雨興雷電霹靂是瞋怒雨 雷雨

洗街雨 洗廚雨 田家五行二月八日俗謂張大帝

生日前後必有風雨號爲請客風送客雨正日謂之

洗街雨初十謂之洗廚雨以下春時雨

社翁雨 社公雨 提要錄社日有雨謂之社翁雨又

陸游詩幾點霏微社公雨

榆莢雨 汜勝之書三月榆莢雨高地疆土可種秫

潑火雨 退齋雅聞錄河朔人謂清明雨爲潑火雨

杏花雨 提要錄杏花開時正值清明後必有雨謂之

杏花雨

事物異名錄

卷一

五

隔轍雨

表異錄立夏雨爲隔轍雨見退齋雅聞錄

以下

夏時雨

錦雨

陸機要覽夏雨名錦雨

迎梅雨

送梅雨

埤雅四五月間梅欲黃落鬱蒸成

雨謂之梅雨三月爲迎梅五月爲送梅

分龍雨

月令廣類五月二十六日雨爲分龍雨閩俗

以夏至後爲分龍雨

濯枝雨

風土記六月有大雨名濯枝雨

牛脊雨

董炳文詞六月天分牛脊雨

灑淚雨

洗車雨

荆楚歲時記七月六日有雨謂之

灑淚雨七日雨則云洗車雨一云六日爲洗車雨七

日爲灑淚雨 以下秋時雨

豆花雨 荆楚歲時記里俗以八月雨爲豆花雨

淋露雨 梁溪漫志吳中以八月露下而雨爲淋露雨

簷天雨 月令廣類八月初三至二十三爲簷天雨

黃雀雨 提要錄九月雨爲黃雀雨

液雨 藥雨 荆楚歲時記十月內雨謂之液雨百蟲

飲此藏蟄俗呼爲藥雨一云藥水 冬時雨

月額雨 金樓子月旦日雨爲月額雨 月旦雨

翔日雨 月令廣類上旬過月雨謂之翔日雨 過月雨

騎月雨 陸游詩爽氣收回騎月雨註俗謂二十四五

間有雨往往輒成霖潦謂之騎月雨 二十四五日雨

夜春 表異錄田家以晝晴夜雨爲夜春

夜雨

一拆雨 陳造房陵詩誰謂朝來一拆雨歡聲已覺沸

通衢註得雨曰一拆雨

得雨

爛雨 侯鯖錄同州謂霑足爲爛雨

足雨

銀竹 李白詩白雨映寒山森森似銀竹按謂雨脚也

雨脚

露

陰液 蔡邕月令章句露者陰液也

教水 清異錄韓彥卿謂露教水

靈液 李正封露詩霏霏靈液重雲表無聲落

天酒 神異經王者施德惠則甘露降于草木一名天

酒一名仁澤以下甘露

神漿 孫氏瑞應圖甘露者美露也其凝如脂其甘如飴一名膏露或名神漿

雀餵 正字通杜鎬言甘露非瑞乃草木將枯精華頓發於外謂之雀餵又曰露密

雷

天鼓 抱朴子雷天之鼓也雲仙雜記雷曰天鼓又河鼓星亦名天鼓

連鼓 王充論衡畫工圖雷之狀如連鼓形梁簡文詩時聞連鼓響

神斧 李晦菴詩誰將神斧破陰頑按神斧謂雷也

霆霓

震

爾雅疾雷爲霆霓疏疾雷一名霆霓又名

震春秋震夷伯之廟謂劈歷破之是也

疾雷

驚世先生

清異錄驚世先生雷之聲也

以下雷聲

玉虎鳴

雞跣集河圖謂雷聲曰玉虎鳴

天聲

揚雄甘泉賦天聲起兮勇士厲註雷如天聲音

其大也

電

雷光

五經通義電謂之雷光

礖礖

春秋元命包註礖礖灼電之耀也

天笑

神仙傳天爲之笑開口流光所以爲電神異經

註今天下不雨而有電是天笑也

千里鏡 清異錄千里鏡電之形也

列缺 天閃 相如大人賦貫列缺之倒累兮註列缺
天閃也

霍閃 顧雲詩金蛇飛狀霍閃過白日倒掛銀繩長
銀索 銀繩 古詩鞭空銀索飛又銀繩見上

靈畢 離騷恐天時之代序兮耀靈畢而西征註靈畢
電光貌言速也 以下電光

紫金蛇 蘇軾詩電光時掣紫金蛇

虹 附霓

隋 周禮眡祲掌十輝之法九曰隋註虹也

蟠螭 爾雅蟠螭虹也註俗名爲美人虹江東呼雩叉

蠙詩作蜃

天弓 帝弓 白虎通天弓虹也又謂之帝弓

旱龍 丹鉛總錄虹有形質俗謂之旱龍

氣母 清異錄虹曰氣母

天忌 表異錄虹又名天忌

鸞 農桑要覽虹俗名鸞東鸞晴西鸞雨

水椿 楊慎外集水虹滇人呼爲水椿虹霓之短者沈

約所云雌霓漢書所謂屈虹也

水虹

挈貳 爾雅蜺爲挈貳註霓雌虹也挈貳其別名

霓

析翳 尸子虹霓爲析翳

以下虹霓總名

玉橋 皇明政要胡友信續虹霓詩句曰玉皇昨夜鑾

與出萬里長空駕玉橋

霞

日精 十洲記霞者日精

霧

晦 爾雅霧謂之晦疏霧又名晦春秋僖十五年己卯
晦震夷伯之廟公羊穀梁皆云晦冥也是矣

地汁 五經通義陰亂則爲霧從地汁也

迷空步障 清異錄博學記謂霧曰迷空步障又表異
錄作迷天步障

山巾子 包賀詩霧是山巾子

滂朝 陳造詩一杯要敵滂朝寒白註晨起霧久不開

房陵人目曰澗朝、久霧

霜

青女 嬾真子、金陵詩云、日高青女尚橫陳、青女謂霜也、又淮南子謂青女霜神名、

威屑 清異錄博學記謂霜爲威屑

雪

凝雨 說文雪凝雨也

白鹽 世說謝安集兒女講論俄而驟雪、公曰白雪紛紛何所似、兄子胡兒曰撒鹽空中、差可擬、自居易瓶雪詩、盈人白鹽寒

瑞葉 冷齋詩話宋王綸女作雪詩曰、何似月娥欺不

在亂飄瑞葉在人間父問瑞葉何出女曰天上有瑞木花開六出也

五穀精 汜勝之書取雪汁漬原蠶矢五六日和穀種之能禦旱故謂雪爲五穀精

天公玉戲 清異錄比邱清傳與一客同入湖南客曰凡雪仙人亦重之號天公玉戲

仙藻 張說和聖製喜雪詩欲驗豐年象飄然仙藻來玉花 舒元興序玉花攬空

天花 張安國詠雪詞陰風慘淡天花落

祥英 璇花 徐彥伯苑中遇雪詩六出祥英亂繞枝又詩璇花入瘡詞

玉霏 瓊絲 蘇軾雪詩晚雨纖纖變玉霏又詩枯松

怪石亂瓊絲

玉鸞 辛棄疾吳江觀雪詞造化故豪縱千里玉鸞飛
冷絮 唐小說詩輕瓊冷絮舞長空

玉塵 范成大雪霽詩鴉翻高樹玉塵傾

剪水花 范成大春後微雪詩東君未破含春蕊青女
先飛剪水花

銀粟 玉沙 楊萬里雪凍詩獨往獨來銀粟地一行
一步玉沙聲

六出花 元好問詩天上休開六出花按草木花皆五
出雪獨六出故名六出花

雨花 楊維禎雪詩龍噴雨花天作瑞

潤骨丹 清異錄高太素銘春雪云消除疫癘名潤骨

丹 春雪

三白 朝野僉載正月見三白田公笑嘖嘖又歐陽修
詩一臘見三白按三白謂三次雪也 三次雪

霰

霄雪 爾雅雨霓爲霄雪霓霓冰雪雜下者謂之霄雪
按霓卽霰也霄字從自音屑

花雪 宋書符瑞志霰爲花雪

米雪 粒雪 詩補傳霰米雪又曰粒雪

稷雪 說文霰稷雪也

瀟雪

濕雪

埤雅霰闕俗謂之米雪今名瀟雪亦曰

濕雪

珠霰

王融阻雪聯句珠霰條間響按謂霰也

雹

雨冰

說文雹雨冰也

硬雨

渠軒錄臨安雨雹太學屋瓦皆碎學官申朝廷

不敢言雹稱爲硬雨

冰子

清異錄雹曰冰子

白雨

表異錄關中謂雹曰白雨

事物異名錄卷二

慈谿 厲靜菴先生荃 原輯

仁和 關晉軒先生槐 增纂

歲時部

春

天端 公羊傳隱元年註上係天端疏天端卽春也

青陽 爾雅春爲青陽爲發生

陽中 漢書律歷志春爲陽中

東皇 尚書緯春爲東皇又爲青帝

嘉時 芳時 華節 韶節 淑節 梁元帝纂要春

時曰嘉時芳時節曰華節韶節淑節

蘭時 山堂肆考蘭時春時也

艷陽 清異錄僞閩中書吏韋添天字謎曰露頭添一

日便是艷陽根按天字露頭添一日卽成春字也

陽節 湛方生賦何陽節之清淑

軟節 曹毗正朝詩靈春散初澤芬煇青陽舒軟節暘
宇宙和風被八區

發生辰 曹松望九衢春色詩自茲憐萬物同入發生
辰

正月

月正 書月正元日傳月正正月也

三之日 詩三之日于耜傳三之日夏正月也

正陽月

北史蕭吉傳正月是正陽之月

一月

唐書歷志建寅月爲一月

三微月

白虎通正月爲三微之月言陽氣未著爲微

也

端月

江隣幾雜志王禹玉上言請以正月爲端月正

音與上音相近也又陳隨隱漫錄秦始皇諱政改正

月爲端月

征月

野客叢書秦始皇諱政呼正月爲征月又史記

年表作端月

初月

齊東野語王羲之父諱正故每書正月爲初月

或作一月餘則以政字代之

孟陽 孟陬 陬月 山堂肆考正月曰孟陽孟陬又

曰陬月

開歲 發歲 獻歲 肇歲 芳歲 華歲 梁元帝

纂要正月曰開歲發歲獻歲肇歲芳歲華歲

三朝 三始 尚書大傳正旦爲歲之朝月之朝日之

朝故曰三朝又漢書曰三始 以下元日

三元 三朔 玉燭寶典元日曰三元亦曰三朔註三

元謂歲時月之元也三朔夏以平明爲朔殷以雞鳴

爲朔周以半夜爲朔

四始 正義四始謂歲之始時之始月之始日之始也

上日 正朔 正旦 玉燭寶典正月一日爲元日亦

云上口亦云正朔又曰正月之朔是謂正日

端日 歲華紀麗元日爲端日

雲開節 岳陽風土記岳州謂元日爲雲開節

天臘節 道書正月一日爲天臘節又曰天中節

雞日 東方朔占書歲後八日一日雞二日犬三日豕

四日羊五日牛六日馬七日人八日穀呂本中宜章

元日詩避地逢雞日傷時感雁臣

田本命 表異錄世謂正月三日爲田本命浙西人謂

之夏正三言夏正之三日也

初三日

開基節 道書正月初四日爲開基節玉晨大道君登

玉霄宮四盼天下

初四日

靈辰 山堂肆考正月七日爲人日又謂之靈辰以人爲萬物之靈也 以下初七日

人勝節 荆楚歲時記人日翦綵爲花勝或鏤金箔爲人勝以相遺故唐人謂人日爲人勝節

上元節 熙朝盛事正月十五日爲上元節前後張燈五夜 以下十五日

元宵 東京夢華錄正月十五日元宵大內前綬縛山棚遊人集御街兩廊下歌舞百戲鱗鱗相切樂聲嘈雜十餘里

天官賜福辰 西湖遊覽志俗子以上元爲天官賜福之辰

耗磨日

月令廣類正月十六日俗謂之耗磨日

十六日

天穿日

拾遺記江東俗正月二十日爲天穿日以紅

縷繫煎餅置屋上名曰補天穿又謂之天饑日

以下二十日

日

秋收日

通書正月二十日爲秋收日晴主秋成百果

蕃盛

窮九

天中記池陽風俗正月二十九日謂之窮九瑞

除塵穢投之水中名曰送窮

二十九日

補天日

荆楚歲時記江南風俗謂正月三十日爲補

天日以紅絲縷繫煎餅置屋上謂之補天穿按拾遺

記以正月二十日爲天穿日未知孰是

三十日

二月

如月 爾雅二月爲如玉海唐天寶八載如月甲午太子生日帝製仁孝詩六章以賜之

四之日 詩四之日舉趾註二月則舉趾而耕

仲陽 令月 竹秋 山堂肆考二月曰仲陽曰令月

又爲竹秋又廣韻藻謂竹秋三月也

麗月 蕭統二月啟花明麗月

酣春 李賀二月樂詞勞勞胡燕怨酣春

中和節 唐書李泌傳泌請以二月朔爲中和節又吳

縝新唐書糾繆以三月二日爲中和日以下初一日

天正節 道書二月一日爲天正節

踏青節 壺中贅錄蜀中風俗舊以二月二日爲踏青節以下初二日

擡龍頭 宛署記燕都人呼二月二日爲擡龍頭鄉民

用灰自門外蜿蜒布入宅廚繞水缸呼爲引龍回

挑菜節 張耒集有二月二日挑菜節大雨不能出詩

芳春節 道經二月八日爲芳春節玉晨大道君登玉

霄琳房四盼天下初八日

真元節 宋史禮志政和三年以二月十五日太上混

元皇帝降聖日爲真元節以下十五日

花朝 提要錄唐以二月十五日爲花朝又翰墨記洛

陽風俗以二月二日爲花朝誠齋詩話東京二月十

二日曰花朝、

花生日 韓渥詩每遇百花生日日未曾悽斷似今朝
中春 徐凝二月十五日作長短一年相似夜中秋未
必勝中春

三月

蠶月 詩蠶月條桑傳月令季春說養蠶之事
病月 爾雅三月爲病

末春 梁元帝纂要三月曰末春晚春

櫻筍時 山堂肆考秦中謂三月爲櫻筍時

鶯時 唐詩鶯時物色正徘徊按謂暮春時也

杪春 李端詩江上花開盡南行見杪春

炊熟日 歲時雜記冬至後百三爲炊熟日以將禁火
先具饗殮也 寒食前一日

冷節 四民月令齊人呼寒食爲冷節 以下寒食

禁烟節 杜詩註齊人呼寒食爲禁烟節

熟食日 杜甫詩幾年逢寒食萬里逼清明註秦人呼

寒食爲熟食日言其不動烟火預辦熟食物過節也

禁火天 張說詩禁火天時欲灑塵又詩從來禁火日

曾接清明朝又李紳詩遠寺經過禁火辰

藏烟日 劉筠詩黍盤交薦藏烟日

小寒食 杜甫小寒食舟中作佳辰強飲食猶寒註謂

寒食前一日誤矣蓋寒食次日也禁火三日謂至後

一百四日五日六日乃知小寒食是六日總在三日

內故云佳辰次日清明始有新火故食猶寒也

寒食次日

大昕月令廣類季春朔日日大昕又明旦亦曰大昕

初一

日

重三野客叢書五月五日曰重五九月九日曰重九

則三月三日亦宜曰重三

以下初三日

上巳上除元巳山堂肆考三月建辰則己爲除

日故上巳一曰上除一曰元巳沈約宋書魏以後但

用三月三日不復用巳

除巳初巳三巳蔡邕禊文洋洋暮春廣日除巳

陸機詩元吉隆初巳濯穢臨黃河沈佺期三月三日

侍宴詩九門馳道出三巳禊堂開

西州寒食 外國傳高昌國卽西州也以三月九日爲

寒食節 初九日

夏

朱明 長羸 爾雅夏爲朱明爲長羸又日名朱明

炎節 梁元帝纂要夏日炎夏亦曰炎節

槐序 山堂肆考夏日槐序王晏詩槐序候方調

炎序 劉筠詩朱駕開炎序

四月

正月 詩正月繁霜箋夏之四月建巳之月疏謂之正月者以乾用事正純陽之月

余月 爾雅四月爲余

乏月 四民月令四月是謂乏月冷穀旣盡宿麥未登
陰月 西京雜記四月純陽疑於無陰故亦謂之陰月
麥秋月 蔡邕月令麥熟在孟夏故以孟夏爲秋白樂
天詩洛下麥秋月

麥候 麥序 山堂肆考麥候四月節也謝朓詩麥候
始清和又隋煬帝書麥序氣清

正陽 傅元賦四月維夏運臻正陽又正月亦名正陽
月

清和月 白居易詩孟夏清和月又歲時記以四月朔
爲清和節

浴佛日

佛運統志四月八日是浴佛日

初八日

地破日

登真隱訣四月十一地破日不可開山動土

十一日

法歲

荆楚歲時記四月十五日僧尼坐草爲一歲謂

之法歲

十五日

浣花日

老學菴筆記四月十九日成都謂之浣花日

遨頭宴于杜子美草堂浣浪亭傾城皆出錦繡夾道

予屢赴此集未嘗不晴蜀人云雖戴白之老未嘗見

浣花日雨也

十九日

天休節

道書四月二十八日上元星官下降爲天休

節

二十八日

五月

臯月 爾雅五月爲臯

惡月 南史王鎮惡傳鎮惡以五月生家人以俗忌欲令出繼踈宗祖猛曰昔孟嘗君以惡月生而相齊是兒亦將興吾門矣故名爲鎮惡

小刑 淮南子陰生於午故五月爲小刑

錢財日 神樞五月一日屬錢財宜進財勿出財

以下初一

端一 武林舊事端午先期學士院供帖子禁中排當
例用朔日謂之端一

端二 端三 荆楚歲時記京師以五月二日爲端二

三日爲端三 初二三日

端四 荆楚歲時記四日爲端四 以下初四日

重四節 溫州府志平陽江南五月四日做節謂之重

四節

重午 宋史劉溫叟傳太宗在晉邸聞其清介遣吏遺

錢五百千納貯廳西舍中令吏封署而去明年重午

又送角黍執扇所遺卽送錢者視西舍封識宛然下

初五日

端五 珊瑚鉤詩話端午之號同於重九世以五字爲

午則誤矣

天中節 提要錄五月五日午時爲天中節王曾帖子

明朝知是天中節旋刻菖蒲要辟邪

解粽節

荆楚歲時記京師以端午爲解粽節

龍歌節

初學記龍歌令節蛟食芳辰按五月五日介

子作龍蛇之歌以感重耳又屈原死汨羅故云

地臘

道書五月五日爲地臘

九毒日

三元延壽書五月初七爲九毒日犯者不過

三年

初七日

寧覬節

玉海徽宗政和三年以五月十二日祭方邱

爲寧覬節

十二日

龍生日

岳州風土記岳人五月十三謂之龍生日以下

十三日

竹醉日 竹迷日 仇池墨記五月十三日古人謂之
竹醉日又曰竹迷日是日移竹多茂盛又山家清事
以八月八日爲竹醉竹迷

天地合日 天中記五月十六日道家以爲天地合日
夫婦當異寢 十六日

分龍日 避暑錄話吳越之俗以五月二十日爲分龍
日前此夏雨時行雨之所及必廣自分龍後則有及
有不及若有命而分之者也又圖經池州以二十九
日三十日爲分龍遇雨主水災 二十二

六月

且月 焦月 爾雅六月爲且按且月或云一作焦月

六月盛熱故曰焦

精陽 梁元帝纂要六月爲精陽

清暑日

道書六月六日爲清暑日宜修清暑齋

初六

觀蓮節

緝柳編六月二十四日謂之觀蓮節

二十四日

火節

譚叢演省風俗六月二十八日各家束葦爲橐

樹置門首遇夜炳燎其光燭天又用生肉切膾調以

醯蒜不加烹飪名曰剝生總曰火節二十八日

三旬

初學記三伏曹植謂之三旬

三伏

秋

白藏

爾雅秋爲白藏爲收成註氣白而收藏

陰中

漢書律歷志秋爲陰中

金商 舊唐書節應金商

素商 高商 素節 商節 梁元帝纂要秋日素商

高商節曰素節商節

金素 謝靈運詩理棹變金素註金行西方其色白故

云金素

蕭辰 殷仲文詩哲匠感蕭辰註蕭辰秋辰也

爽節 虞世南賦感三秋之爽節

金天 陳子昂詩金天方肅殺

素序 駱賓王啟商秋應節素序戒時

次寥天 趙嘏詩把詩吟向次寥天按宋玉九辯次寥

今天高而氣清蓋言秋也

金韃序 宋人秋日啟金韃秩序玉宇粵涼按韃與拏

同

旻序 李端八月奉教詩清樽對旻序

蕭序 石瑤秋夜詩蟋蟀入牀下蕭序已載陰

魚龍夜 元好問詩疎星淡月魚龍夜按埤雅魚龍以

秋爲夜

七月

相月 爾雅七月爲相

蘭月 提要錄七月爲蘭月

肇秋 蘭秋 涼月 梁元帝纂要七月曰首秋初秋

上秋肇秋蘭秋涼月

瓜時 左傳齊侯使連稱管至父戍葵邱瓜時而往及瓜而代齊世家註瓜時七月及瓜謂後年瓜時

良日 風土記七月七日爲良日 以下初七日

雙蓮節 瑯嬛記陳豐於七月七日以青蓮子十枚寄葛勃勃啗未竟墜一子於盆水中有喜鵲過惡汗其上勃棄之明早有並蒂花開於水面勃卽書其異以報豐自此鄉人改雙星節爲雙蓮節

道德臘 道書道家以七月七日爲道德臘

綺節 淵鑑類函七夕乃羅織之節謂之綺節

星期 王勃七夕賦佇靈匹於星期

仙期 李嶠詩仙期七夕過

八夕 宋史王居安少時七月八日劉孝謙過其家塾使賦八夕詩援筆成之有思致

初八日

中元節 西湖遊覽志七月十五日爲中元節俗傳地

官赦罪之辰

以下十五日

大慶月 修行記七月中元乃大慶之月

八月

壯月 爾雅八月爲壯

桂月 提要錄八月爲桂月

仲商 梁元帝纂要八月曰仲商

竹小春 荀譜竹八月謂之小春熱欲去寒欲來氣至而涼故曰小春

六神日·風俗通八月朔爲六神日以露調朱砂蘸小指點去百病以下初一日

天醫節 潛居錄八月朔取樹葉露和辰砂研之點身上消百病謂之天醫節

元成節 宋史徽宗政和三年以八月九日青華帝君生辰爲元成節初九日

月夕 提要錄八月十五日爲月夕以下十五日

秋三五 曹松中秋對月詩無雲世界秋三五共看蟾盤上海涯

九月

玄月 爾雅九月爲玄註國語云至于玄月是也

菊月 提要錄九月爲菊月

暮商 季商 杪秋 梁元帝纂要九月曰暮商季商

亦曰杪秋

窮秋 鮑照白紵曲窮秋九月荷葉黃北風驅雁天雨
霜

霜序 宋之問詩秋橋迎霜序

青女月 杜審言九日宴江陰詩降霜青女月送酒白
衣人

朽月 黃仁傑夔州苦雨詩九月不虛爲朽月

天壽節 金史九月一日爲天壽節 初一日

重明節 宋史光宗以九月四日爲重明節 初四日

必里遲離

遼史九日契丹國王射罷登高飲菊花酒

呼此節爲必里遲離漢譯云九月九日也

以下初九日

重九 陶潛詩序余閒居愛重九之名秋菊盈園而持

醪靡由

息日 搜神記有丁新婦者其姑嚴酷不可堪九月九

日自經死江南人是日不作事謂之息日又太平廣

記丁氏九月七日縊死

女兒節 帝京景物畧九月九日父母家必迎女歸寧

食花糕亦曰女兒節又宛署記燕都自五月一日至

五日亦是如此名女兒節

九九辰 全唐詩話中宗臨渭亭登高薛稷得歷字韻

云願陪九九辰長奉千千歷

落帽辰 歲華紀麗授衣之月落帽之辰

菊花節 王維重陽應制詩無窮菊花節常奉柏梁篇

又麴瞻九日應制詩獻觴乘菊序

小重陽 輦下歲時記都城重九後一日宴賞號小重

陽 初十日

冬

元英 爾雅冬爲元英爲安寧註氣黑而清英

嚴節 梁元帝纂要冬曰元冬節曰嚴節

元序 許敬宗守歲詩玉琯移元序

十月

良月 左傳公父定叔出奔衛三年而復之曰不可使
公叔無後於鄭使以十月入曰良月也就盈數焉
陽月 爾雅十月爲陽西京雜記十月純陰疑於無陽
故謂之陽月又謂之正陰月

小春月 初學記十月天時和暖似春故曰小春之月
上冬 梁元帝纂要十月曰上冬

開冬 顏延之田收詩開冬眷徂物註開冬十月也

民歲臘 道書道家以十月一日爲民歲臘十二月正
臘日爲王侯臘 初二日

龍聚日 道經十月三日四海龍王奏水府爲龍聚日

初三日

下元節 西湖遊覽志十月十五日爲下元節俗傳水
官解厄之辰 十五日

霑日 通書十月二十日爲霑日中州以驗馬畜 二十

十一月

暢月 禮記仲冬之月命之曰暢月

辜月 爾雅十一月爲辜

龍潛月 抱朴子十一月爲龍潛之月

天應節 宋史徽宗政和三年十一月六日記上帝於

圓邱太師奏天神降格等以是日爲天應節 初六日

冬住 老學菴筆記陳師錫家謂冬至前一日爲冬住

與歲除夜爲對所謂冬住者冬除也 以下冬至前一日

小至 小冬日 正字通冬至前一日爲小至唐會要
冬至日祀圜邱遂用小冬日視朝註小冬日卽小至
也

南至 左傳日南至註今十一月冬至之日又于尹躬
有南至日登臺書雲物詩以下冬至

升辰 春秋考異記升辰謂冬至也

亞歲 山堂肆考冬至日君受萬國朝賀其儀亞於歲
朝故以冬至日爲亞歲

飯節 武林舊事冬至都人最重罷市三日垂簾飲博
謂之飯節

肥冬 豹隱紀談吳門風俗多重至節謂之肥冬互送

節物

一陽節 曹植表一陽佳節復卦正義冬至一陽生

十二月

冰月 詩誕寘之寒冰疏姜嫄以元鳥至日而禋祀在母十月而生稷正當冰月故得棄之冰也

蜡月 周禮以正齒位疏黨正行正齒位之禮在十二月建亥之月爲之非蜡祭之禮而此云國索鬼神而祭祀者以其正齒位禮在蜡月故言之以爲節耳按周十二月建亥則蜡在今十月矣然蜡與臘同日異祭自漢以後臘皆在建丑之月蜡亦應指今十二月也

涂月 爾雅十二月爲涂

臘月 唐書歷志十二月爲臘月

嚴月 山堂肆考嚴月季冬之月也

除月 杪冬 窮稔 窮紀 梁元帝纂要十二月曰

除月杪冬窮稔窮紀

汎月 丹鉛錄汎音讀爲怕平聲

星回節 太平廣記南詔以十二月爲星回節又玉谿

篇以十二月十六日爲星回節

愁苦節 鮑照詩北風十二月雪下如亂巾實是愁苦

節惆悵憶情觀

窮節 席夔賦冬實窮節

臘日

荆楚歲時記十二月八日爲臘日按魏臺訪議

漢以戌臘魏以丑臘是臘非定以八日也

以下初八日

嘉平

史記秦始皇三十一年十二月更名臘曰嘉平

又禮傳夏曰嘉平殷曰清祀周曰大蜡漢改曰臘

菟鶩

風俗通臘又曰菟鶩俗說臘正祖食得菟鶩者

名之曰幸賞以寒酒幸善吉祥令人吉利也

初歲

史記天官書臘之明日曰初歲

以下臘次日

小歲

四民月令臘明日爲小歲進酒尊長修刺賀君

師

百福日

道經十二月十二日太素三元君朝真謂之

百福日

十二月十二日

天竺臘

西域諸國志天竺國以十二月十六日爲臘

十六

日

交年日 宣府鎮志十二月二十四日北人名爲交年

東京夢華錄都人於交年日以杯酒供竈門謂之醉

司命二十四日

年

歲 祀 載 爾雅夏曰歲商曰祀周曰年唐虞曰載

一行 異聞錄三月爲一時兩時爲一行兩行爲一年

年

旬歲 前漢翟方進傳旬歲免兩司隸註師古曰旬歲

猶言滿歲也 以下一年

周星 山堂肆考天道周星謂一年也

一火 廣東通志古人一年四時改火今瓊州西鄉人謂一年爲一火火音微東鄉人謂一年爲喜或謂之化乃喜之變音

一白 傳燈錄我山林間已經九白按梵言一年爲一白

游歲 文選中產闕游歲之貲註游歲再歲也

兩年

一紀 書既歷三紀傳十二年爲一紀

以下十二年

一終 左傳十二年矣是謂一終一星終也

一章 左傳日南至註步歷以十九年爲一章

十九年

一世 朱子集註三十年爲一世

三十年

月

畢 橘 修 圉 厲 則 窒 塞 終 極 爾
雅月在甲曰畢在乙曰橘在丙曰修在丁曰圉在戊
曰厲在己曰則在庚曰窒在辛曰塞在壬曰終在癸
曰極

非常月 公羊傳閏月矣何以謂之天無是月非常月
也 閏月

斷屠月 齋素月 唐朝新格正月五月九月不行刑
謂之斷屠月又清波雜志謂之齋素月

以下正
五九月

無羊月 山堂肆考正五九三箇月謂之灾月官員例
減祿料無羊故謂之無羊月

旬月

表異錄揚雄疏近不過旬月之役謂滿月也車

千秋旬月取宰相又謂十閏月也

滿月

徙月

禮記祥而禴是月禴徙月樂按踰月曰徙

踰月

疇昔

左傳疇昔之羊子爲政註疇昔猶前日也

以下

日者

史記高帝紀日者荆王兼有其地註日者猶往

日也又日者傳註卜筮者通稱

翼日

書越翼日戊午註翼明也

以下明日

厥明

周禮鄉大夫厥明獻賢能之書于王註厥其也

其賓之明日也

初吉

詩二月初吉註初吉朔日也

以下朔日

月吉 周禮正月之吉始和註謂朔日又論語謂之吉月

死霸 表異錄漢志死霸朔也霸音魄

旁死魄 哉生明 正字通書武成惟一月壬辰旁死

魄註二日爲旁死魄三日爲哉生明望後爲旣生魄

魄通作霸 初二三日

生霸 表異錄生霸望也 以下望日

三五 禮記三五而盈三五而闕按三五謂十五日也

提月 公羊傳提月六鵠退飛過宋都註提月邊也謂

是月之幾盡也卽晦日也 以下晦日

大盡 小盡 歲華紀麗三十日爲大盡二十九日爲

小盡

隻日 唐書穆宗紀唐制天子以隻日視朝按隻日單

日也 單日

兼辰 文選下貧無兼辰之業註兼辰兩日也 兩日

上九 中九 下九 採蘭雜志九爲陽數古人以二

十九日爲上九初九日爲中九十九日爲下九 以下分日

諸名

上澣 中澣 下澣 丹鉛錄俗以上澣中澣下澣爲

三澣蓋本唐制十日一休沐而今猶襲之也

十齋日 六齋日 聞見錄今人以月一日八日十四

十五十八二十三二十四二十八二十九三十日爲

之十齋又提謂經六齋日用月八日十四日十五日
二十三日二十九日三十日

八王日 提謂經八王日亦名八節日謂立春春分立
夏夏至立秋秋分立冬冬至

剛日 柔日 禮記註甲丙戊庚壬爲剛日乙丁己辛
癸爲柔日 以下支干分日

疾日 左傳辰在子卯謂之疾日註紂以甲子日喪桀
以己卯日亡故謂之疾日

反支日 後漢書公車以反支日不受章奏註凡反支
日用月朔爲正戌亥朔一日申酉朔二日午未朔三
日辰巳朔四日寅卯朔五日子丑朔六日見陰陽書

歸忌日 後漢郭躬傳還觸歸忌則寄宿鄉亭註陰陽書歷法曰歸忌日四孟在丑四仲在寅四季在子其日不可遠歸

八魁 後漢書八魁上帝開塞之將也註歷法春三月巳巳丁丑夏三月甲申壬辰秋三月巳亥丁未冬三月甲寅壬戌爲八魁

浹辰 浹日 山堂肆考自子至亥周匝十二辰謂之浹辰自甲至癸周徧十日謂之浹日

忌日 詩話今人家社日閨房停針線不作組紉謂之忌日 社日

時

昧旦 昧爽 黎旦 遲明 昬爽 山堂肆考詩曰
昧旦書曰昧爽皆天欲明未明時也又曰黎旦又曰
黎明史記謂之遲明漢書謂之昬爽 以下明旦
昬 大昕 班固幽通賦昬聒寤而仰思兮註昬
晨旦明也又禮記謂之大昕

詰朝 左傳詰朝相見註詰朝平旦

破午 鐵網珊瑚破午日正午也 以下日中

亭午 孫綽遊天台山賦羲和亭午註亭至也午謂日
中也

卓午 李白詩頭戴笠子日卓午

日肝 左傳日肝不召註肝昃也 以下日昃

下稷 穀梁傳戊午日下稷乃克葬註稷是也下稷脯時

高春 下春 淮南子日至淵隅曰高春脯時至連石曰下春脯後按玉篇脯申時也

纁黃 楚辭與纁黃而爲期註纁黃黃昏時也或作纁黃以下日夕

脯夕 宋玉神女賦脯夕之後註脯夕晚夕也

依夕 水經注武昌記曰樊口南有一大姥廟孫權常獵于山下依夕見一姥問權獵何所得曰止得一豹母曰何不豎豹尾忽然不見鍾惺云依夕傍晚也

熏夕 趙壹傳羊陟遂與言談至熏夕極歡而去

一昔 昔昔 左傳爲一昔之期註一昔一夜也又列

子昔昔夢爲國君註猶夜夜也 以下夜

一日冬 真德秀夜氣箴冬爲四時之夜而夜乃一日之冬

五夜 山堂肆考漏刻之法甲乙丙丁戊謂之五夜卽五更也 五更

甲夜 乙夜 杜陽雜編文宗謂左右曰若不甲夜視事乙夜觀書何以爲人君耶按初更曰甲夜二更曰乙夜 一二更

夜分 宵分 後漢光武紀講論經理夜分乃寐註分猶半也又崔楷疏日昃忘餐宵分廢寢 以下夜半

午夜 山堂肆考夜半曰午夜

戊夜 梁元帝紀高祖少而篤學雖萬幾多務猶卷不輟手燃燭側光常至戊夜按山堂肆考之說則戊夜爲五更矣 以下夜深

良夜 後漢祭遵傳帝達遵營勞饗士卒作黃門舞樂良夜乃罷註良猶深也或作久

夜闌 蔡琰胡笳十八拍更深夜闌兮夢汝來斯

蝦蟇更 豹隱紀談楊誠齋詩天上歸來有六更蓋內樓五更絕梨鼓交作謂之蝦蟇更禁門方開百官隨入所謂六更也外方謂之攢點又事物紀原夜行擊柝代更籌曰蝦蟇更六更

干支

歲陽 歲陰 史記歷書歲陽者十干是也歲陰者十

二支是也

闕逢 旃蒙 柔兆 強圉 著雍 屠維 上章

重光 元黓 昭陽 爾雅太歲在甲曰闕逢在乙曰

旃蒙在丙曰柔兆在丁曰強圉在戊曰著雍在己曰

屠維在庚曰上章在辛曰重光在壬曰元黓在癸曰

昭陽

商橫 史記歷書商橫湑難三年註索隱曰商橫庚也

爾雅作上章 庚干

攝提格 單閼 執徐 大荒落 敦牂 協洽 涒

灘

作噩

閹茂

大淵獻

困敦

赤奮若

爾雅

太歲在寅曰攝提格在卯曰單闕在辰曰執徐在巳
曰大荒落在午曰敦牂在未曰協洽在申曰涇灘在
酉曰作噩在戌曰閹茂在亥曰大淵獻在子曰困敦
在丑曰赤奮若 十二支

渾天儀

金儀 薛逢啟金儀應律按金儀卽銅儀所謂渾天儀
也又名銅渾